

FRUMVARP TIL LAGA

UM

HLUTDEILD RÍKISINS Í BYGGINGU OG REKSTRI DAGVISTUNARHEIMILA.

I. kafli

1.gr.

Markmið með starfsemi dagvistunarheimila er að gefa börnum kost á að njóta handleiðslu sermenntaðs fólks í uppeldismálum og búa þeim þau uppeldisskilyrði, er efli persónulegan og félagslegan proska þeirra.

2.gr.

Menntamálaráðuneytið fer með yfirstjórn mála er varða dagvistunarheimili.

Ríkið skal leggja fram fé til byggingar og reksturs dagvistunarheimila fyrir börn svo sem fyrir er mælt i lögum þessum.

3.gr.

Aðilar, er njóta ríkisframlags til byggingar og reksturs dagvistunarheimila, eru: sveitarfélög og áhugafélg, svo og húsfélög fjölbýlis-húsa, starfsmannafélög og aðrir þeir aðilar, sem reka vilja dagvistunarheimili í samræmi við markmið þessara laga.

Ríkisframlag til stofnkostnaðar nær þó eigi til þeirra dagvistunarheimila, sem þegar eru fullbyggð.

4.gr.

Eftirtalin dagvistunarheimili njóta styrks úr ríkissjóði skv.
lögum þessum:

1. Dagheimili fyrir börn frá 3ja mánn. til skólastyldualdurs,
þar sem börnin geta dvalizt a.m.k. 5 st. á dag.
2. Skóladagheimili fyrir börn á skólastyldualdri.
3. Leikskólar fyrir börn frá 2ja ára til skólastyldualdurs, þar
sem börnin geta dvalizt a.m.k. 3 st. á dag.

Ákveða skal nánar um starfstíma ofangreindra dagvistunarheimila
í reglugerð.

5.gr.

Ríkisframlag njóta þau dagvistunarheimili, sem reka starfsemi sína
a.m.k. 4 mánuði ársins samfellt.
Heimilt er ráðuneytinu að veita dagvistunarheimili styrk enda þótt
það starfi skemur en fjóra mánuði, ef sérstakar aðstæður krefjast.

II. kafli

6.gr.

Sveitarfélag, sem óskar að reisa dagvistunarheimili eftir lögum
þessum, skal njóta styrks úr ríkissjóði sem hér segir:

1. Til dagheimila og skóladagheimila 50% áætlaðs stofnkostnaðar
fullbúins húsnæðis í samræmi við ákvæði í reglugerð um stofn-
kostnað skóla nr. 159/1969.
2. Til leikskóla 25% áætlaðs stofnkostnaðar.

Þeir aðilar aðrir en sveitarfélög, sem taldir eru upp í 3.gr. skulu
njóta sama ríkisframlags, ef viðkomandi sveitarfélag mælir með því.
Nú hefur aðili fengið styrk úr ríkissjóði til stofnunar dagvistunar-
heimilis en hætt rekstri þess, þá er styrkurinn endurkrafur til
ríkissjóðs samkvæmt reglum þar um, sem ákveðnar verða í reglugerð.

7.gr.

Heimilt er með samþykki menntamálaráðuneytisins að festa kaup á
eldra húsnæði til reksturs dagvistunarheimila og skal framlag

ríkisins til bess vera sambærilegt við framlag til nýbygginga. Umsóknir aðila um ríkisframlag í þessu skyni skulu hlíta sömu skilyrðum sem um nýbyggingar væri að ræða.

III. kafli

8.gr.

Af rekstrarkostnaði greiðir ríkið sem hér segir:

1. Til dagheimila og skóladagheimila 40%.
2. Til leikskóla 20%.

Rekstrarstyrkir þessir skulu greiðast að loknu ársuppgjöri dagvistunarheimilis og skal meðalreksturskostnaður samsvarandi dagvistunarheimila um land allt lagður til grundvallar við greiðslu. Setja skal í reglugerð nánari ákvæði um hvað falla skuli undir þann reksturskostnað, sem ríkið tekur þátt í. Heimilt er að greiða 50% af rekstrarstyrk fyrirfram, skv. ámtluðum rekstrarkostnaði.

9.gr.

Ríkisframlag til byggingar- og rekstrarkostnaðar er bundið því skilyrði, að aðstandendum barna sé ekki gert að greiða meira en 30% af heildarrekstrarkostnaði dagheimila og skóladagheimila, og til leikskóla eigi meira en 50% af rekstrarkostnaði.

IV. kafli

10.gr.

Þegar aðili skv. 3.gr. óskar styrks úr ríkissjóði til að reisa og/eða reka dagvistunarheimili fyrir börn, skal hann senda beiðni þar um til menntamálaráðuneytisins. Umsókn um leyfi til að reisa og/eða reka dagvistunarheimili skulu fylgja eftirtalinni gögn:

1. Áætlanir um starfsemi stofnunarinnar, upplýsingar um rekstrar- aðila og starfsfólk.
2. Rekstraráætlun.

Begar annar aðili en sveitarfélag sækir um styrk, skal auk framangreindra gagna, fylgja umsögn viðkomandi sveitarstjórnar um, hvort dagvistunarheimili sé í samræmi við þarfir sveitarfélagsins og á þeim stað, er hagkvæmast má telja fyrir íbúana. Óski aðili að reka dagvistunarheimili í leiguþúsnaði er heimilt að veita styrk til rekstrarins samkvæmt 8.gr.

11.gr.

Menntamálaráðuneytið lætur rannsaka umsókn og þau gögn, sem henni fylgja. Að rannsókn lokinni tilkynnir ráðuneytið, hvort það hafi fallizt á umsókn.

Ef ráðuneytið getur ekki á umsókn fallizt, skal það tilkynnt aðila og skal í synjun ráðuneytis tekið fram hvort hafnað sé í heild hugmyndum um téð heimili eða hvort synjun stafi af því, að frumathugun sé áfátt, bannig að bæta megi úr, og skal þá bent á, hverju áfátt er að dómi ráðuneytisins.

Sé fallizt á umsókn gerir ráðuneytið grein fyrir væntanlegum tillögum sinum um fjarframlög vegna fjárlagagerðar á fyrirhuguðu framkvæmdartímabili.

12.gr.

Ráðuneytið setur með reglugerð ákvæði um húsakost dagvistunarheimila, stærbareiningar, húsrými á barn, barnafjölða á deild, fjölða starfsliðs hverrar deildar svo og ákvæði um útvistarsvæði og innri gerð.

Ráðuneytið skal láta gera staðlaðar teikningar af dagvistunarheimilum, sem byggjendur dagvistunarheimila eiga kost á að fá gegn sanngjörnu gjaldi.

13.gr.

Eftir að ráðuneytið hefur fallizt á umsókn samkvæmt 3. og 10.gr., skal umsóknaraðili leggja fram uppdrætti og gögn varðandi alla undirbúningsvinnu til samþykktar.

Til undirbúningsvinnu telst m.a.:

1. Uppdráttur að lóð.
2. Uppdrættir að fyrirhuguðu mannvirkni.
3. Séruppdraettir af því sem menntamálaráðuneytið kann að áskilja sérstaklega.
4. Vottorð byggingafulltrúa eða oddvita um, að byggingarnefnd (hreppsnefnd) hafi fallizt á uppdrætti, svo og vottorð annarra (byggingar-) yfirvalda um, að uppdrættir séu í samræmi við lög og reglugerðir.

5. Tíma- og greiðsluáætlun um framkvæmd verksins og yfirlýsing hlutaðeigandi umsóknaraðila um, að tryggð verði þau fjárfamlög, sem um er að ræða frá öðrum en ríkissjóði.

Ef ráðuneytið telur framangreind gögn ekki fullnægjandi skal það tilkynnt hvað á skorti.

14.gr.

Þegar ráðuneytið hefur gengið úr skugga um, að undirbúningur sé fullnægjandi samkvæmt framansögðu, og fjárfamlög tryggð, sér það um, að gerður verði samningur milli þess og hlutaðeigandi um greiðslur samkvæmt 6.gr. þessara laga og heimilar að hafinn verði tæknilegur undirbúningur.

15.gr.

Alþingi ákveður hverju sinni framlag til byggingaframkvæmda. Eigi er heimilt að hefja framkvæmdir fyrr en fé hefur verið veitt í fjárlögum og fyrir liggur skriflegt samþykki menntamálaráðuneytisins.

Ef hafnar eru framkvæmdir án samþykkis ráðuneytisins, verður stofnkostnaður ríkissjóðs óviðkomandi.

Nú hefur Alþingi ákveðið fjárveitingu og skal það þá einnig ákveða, hvernig framlögum til einstakra dagvistunarheimila verði hagað, en skyld er ríkinu að hafa lokið framlagi sínu innan 4ra ára miðað við upphaflega kostnaðaráætlun, nema gert sé samkomulag um lengra greiðslutímabil.

Áætlaður stofnkostnaður dagvistunarheimila skiptist í áætlaðan byggingarkostnað og áætlaðan kostnað stofnbúnaðar.

Skal í áætlun þessari miða við þær kröfur (norm), sem reglugerð kveður á um gerð og búnað hvers heimilis. Í áætlun þessari skal miðað við byggingarkostnað og verðlag á þeim tíma, sem áætlunin er gerð og miðast ríkisframlag við það.

16.gr.

Ráðuneytið skal hafa í þjónustu sinni starfsmann, sem lokið hefur námi í Fóstrunarskóla ríkisins eða í sambærilegum skóla og hlutið framhaldsmenntun. Auk þess skal hann hafa reynslu í uppeldisstarfi. Þessi starfsmaður skal athuga allar umsóknir, um húskipan og rekstur dagvistunarheimila áður en leyfi er veitt.

Ber honum að hlutast til um, að fullnægt sé öllum ákvæðum, sem lög þessi og reglugerðir mæla fyrir um byggingu og rekstur dagvistunarheimila. Hann skal vera stjórnendum dagvistunarheimila til ráðuneytis um starfsemi heimilanna og annast eftirlit með þeim.

V. kafli

17.gr.

Forstöðumaður dagvistunarheimilis og starfslið, er annast fóstrunarstörf, skal hafa hlotið fóstrunarmenntun, svo og beir, sem annast umsjón með dagvistunarheimilum á vegum rekstraraðila. Heimilt er þó með samþykti ráðuneytisins að víkja frá þessu ákvæði, sé þess enginn kostur að fá fólk með framangreinda menntun til starfs.

18.gr.

Læknar skulu hafa eftirlit með heilsufari barna á dagvistunarheimilum. Skal kveða nánar á um það í reglugerð, svo og reglur um heilbrigðiseftirlit með starfsfólki. Stefnt skal að því, að dagvistunarheimili eigi kost á sálfræði- og ráðgjafarbjónustu. Tengja skal þá bjónustu við ráðgjafar- og sálfræðibjónustu skóla.

19.gr.

Forstöðumaður dagvistunarheimilis skal halda reglulega fundi með starfsliði um stjórn heimilisins og velferð hvers einstaks barns. Skylt er rekstraraðila dagvistunarheimilis að skipuleggja tengsl milli foreldra barnanna og dagvistunarheimilis í því skyni að efla samstarf milli þessara aðila um velferð barnsins.

20.gr.

Lög þessi öðlast þegar gildi.